

«Երևանի Լեռնի անվան N5 ավաղ դպրոց»

Ուսուցիչների պետական պարտադիր
վերապատրաստման դասընթաց 2023

Հետազոտական աշխատանք

Թեմա՝ Դասղեկի/դասվարի ժամերի բովանդակությունն ու նշանակությունը

Հետազոտող ուսուցիչ՝ Լուսինե Մնացականի Շամիրյան

(Արարատ գյուղի թիվ 3 միջն. դպրոցի դասվար)

Բովանդակություն

ԴԱՍՎԱՐԻ, ԴԱՍՂԵԿԻ ԺԱՄԵՐԻ

ԲՈՎԱՆԴԱԿՈՒԹՅՈՒՆՆ ՈՒ ՆՇԱՆԱԿՈՒԹՅՈՒՆԸ

Ներածություն-----

Դասղեկի դերը դաստիարակության գործըն-
թացում----- 4

Դասղեկի գործառութային պարտականու-
թյունները----- 5

Դասղեկի աշխատանքում առաջարկվող
նուղությունները----- 11 Դասղեկի
ժամերի կազմակարպումն ու անց-կացումը-----
----- 26

Դասղեկի ժամերի կազմակերպման ու անցկացման
մեթոդիկան----- 28

Դասղեկի ժամերի նշանակությունը----- 29

Եզրակացություն----- 32

Օգտագործված գրականություն-----

Ներածություն

Նորի որոնումը դաստիարակության համակարգում անհ-րաժեշտ է, կարևոր ու պարտադիր: Այսօրվա դպրոցականը պետք է սովորի, աշխատի և ապրի ձևավորվող քաղաքացիական հասարակության մեջ, նոր գաղափարա-խոսության, շուկայական հարաբերությունների, ինֆորմացիոն տեղեկատվական տեխնոլոգիաների դարաշրջանում: Հարկ է նշել, որ նորը դպրոցականի հոգեբանության նորովի ըմբռնումն է, նրա վրա արդյունավետ եղանակներով ներգործելը: Ուսուցիչը, դասուցիչը, մանկավարժական գիտական միտքը ամուր թելերով պետք է կապված լինեն ժամանակակից դպրոցականների կյանքի հետ, կարդան նրանց կարդացածը, լսեն և վերլուծեն նրանց լսածը, աշխարհին նայեն նրանց աչքերով: Այսօրվա դպրոցականների առջև պետք է կանգնեն այնպիսի մանկավարժներ, որոնք պետք է ունենան պետական և ազգային մտածողություն, կայուն համոզմունքներ, վերլուծական, կազմակերպչական ընդունակություններ, հաղորդակցման, ապրումակցման և խոսքի բար-ձրը կուլտուրա: Վերջին տարիների ընթացքում զգալիորեն աճել է ինֆորմացիայի հոսքը, որն էլ ազդում է դպրոցականների զարգացածության և դաստիարակվածության ընդհանուր մակարդակի վրա: Նրանք շատ բան գիտեն, շատ բանի են ձգտում և մեծ պահանջներ են դնում իրենց դաստիարակների առջև: Այս իմաստով դասարանի ղեկավարի գործունեությունը դպրոցում առանձնահատուկ տեղ է զբաղեցնում և անընդհատ պահանջում է նոր մոտեցումներ: Այդ պատճառով էլ որոշեցի ընտրել «Դասուցիչի, դասվարի ժա-մերի բովանդակությունն ու նշանակությունը» թեման և ու-սումնասիրել:

Դասուցիչի դերը դաստիարակության

Գործընթացում

Դաստիարակությունը մեծ գործ է, նրանով է վճռվում մարդու ճակատագիրը:

Դաստիարակությունը՝ կրթության կարևոր բաղադրիչն է: Ժամանակակից դաստիարակության հիմնական խնդիրներն են՝ անհատի մոտ քաղաքացիական և իրավական-պատասխանատվության ձևավորումը, հոգևոր և մշակութային արժեքների գնահատումը, նախաձեռնության և ինքնուրույնության զարգացումը: Դաստիարակության համակարգը մարդու վրա ազդեցության գործընթացի էության, սկզբունքների, մեթոդների, միջոցների և ձևերի միասնությունն է: Այդ գործընթացում իր ուրույն տեղն ունի դաստիարակող, որի աշխատանքը երեխաների դաստիարակության գործում ներկա պայմաններում բավականին բարդացել է: Նա է կազմակերպում երեխաների ակտիվ ստեղծագործական գործունեությունը, նրան է վստահված երեխաների իրա-վունքների ու հետաքրքրությունների պաշտպանությունը, նրանց զարգացման ընթացքի հակողությունը, ինքնահաս-տատման համար անրաժեշտ պայմանների ստեղծումը, ինքնագարգացմանն ու ինքնադաստիարակմանը նպաստելը և ծագած խնդիրների դեպքում նեցուկ լինելը: Իսկ որո՞նք են դաստիարակության հաջողության կարևոր պայմանները: Առաջին հերթին՝ երեխաների նկատմամբ ունեցած սերնու քնքշանքը, ամեն հարցում նրանց օգնելու պատրաստակա-մությունը, մասնագիտական գիտելիքների ու հմտությունների կատարելագործումը և դաստիարակության նոր մե-թոդների մշտական որոնումն ու կիրառումը: Մանկավար-ժի աշխատանքը գործառույթների մի համակարգ է, որի գըլ-խավոր նպատակներից մեկը մարդու դաստիարակությունն է, իսկ դաստիարակության դժվարին գործում իր լուրջ ներ-դրումն ունի դաստիարակողը: Շատ հաճախ մարդկանց դպրոցա-կան հիշողությունները կապված են հենց դաստիարակողի հետ այն դաստիարակողի, որն օժտված է մանկավարժի, հոգեբանի, դաս-տիարակի, հոգեթերապևտի հատկանիշներով, որի հետ ա-շակերտները կիսում են իրենց ուրախությունն ու տխրու-թյունը, վստահում իրենց մանկական

գաղտնիքները: Դաս-դեկի գործունեությունը դաստիարակության ընդհանուր գործընթացի մի մասն է, ուստի նրա արդյունավետությունը շատ բանով կախված է նրա պլանավորվածությունից և համակարգվածությունից: Դասղեկի աշխատանքի համակարգը ենթադրում է կանխատեսման, պլանավորման, կազմա-կերպման, կարգավորման, ախտորոշման, վերահսկման գործառույթների զուգակցումը դպրոցականների պրակտիկ գործունեության կազմակերպման ձևերի ու մեթոդների հետ: Ինչպե՞ս արդյունավետ դարձնել դասղեկի աշխատանքը, դասարանի հետ աշխատելիս ի՞նչ ուղղություններ կա-րելի է ընտրել, ի՞նչ մեթոդներով դրանք իրագործել:

Դասղեկի գործառութային պարտականությունները

Դասղեկի հիմնական պարտականությունները որոշված են հանրակրթական դպրոցի կանոնադրությամբ: Դասղեկի հիմնական գործառութային ամրակցված դասարանում դաստիարակչական ներգործությունների կազմակերպումը, խթանումն ու կոորդինացումն է: Դասղեկը ձևավորում է աշակերտական կոլեկտիվը, ուղղություն տալիս նրա աշխատանքին, համաձայնեցնում դասարանում դասավանդող ուսուցիչների ուսումնադաստիարակչական աշխատանքը, կոորդինացնում ուսուցիչների և աշակերտների գործունեությունը, պլանավորում է դասարանի աշակերտական կոլեկտիվի, ծնողների հետ տարվող աշխատանքը, կազմակերպում ու կարգավորում է բազմակողմանի կապե-րըն արտաքին աշխարհի հետ: Նա արտաուսումնական և արտադասարանական աշխատանքների միջոցով նպաստում է սովորողների աշխարհայացքի և ակտիվ կենսադիր-քի ձևավորմանը: Դասղեկի կարևորագույն

գործառույթը սովորողների մեջ ուսման նկատմամբ պատասխանատու վերաբերմունքի և ինքնուսուցման, ինքնակրթության ռեֆլեքսային ընդունակությունների դաստիարակումն է: Դաս-ղեկը հոգ է տանում իր դասարանի աշակերտների առողջության պահպանման ու ամրապնդման մասին, ձգտում է ինտեգրացնել դպրոցի և ընտանիքի դաստիարակչական աշխատանքը:

Դասարանի ղեկավարը (դասղեկը)

ա) ապահովում է սովորողների նկատմամբ հաստատության և ընտանիքի մանկավարժական պահանջների միասնականությունը, անհրաժեշտության դեպքում սովորողների համար կազմակերպում է ուսումնական օգնություն

բ) դաստիարակչական աշխատանք է տանում իր դասարանի սովորողների շրջանում՝ սերտորեն համագործակցելով մյուս ուսուցիչների հետ, գ) իրականացնում է դասարանի

համար սահմանված գործավարությունը, հաստատության տնօրինությանը ներկա-յացնում սովորողների առաջադիմության, հաճախումների և վարքի մասին տեղեկություններ,

դ) կազմակերպում է սովորողների ֆիզիկական զարգացմանը նպաստող միջոցառումներ, մրցույթներ, նպատակային էքսկուրսիաներ, շրջագայություններ, հետևում տնային հանձնարարությունների կատարմանը, ուսման և հանգստի կազմակերպմանը, ե) հաստատության

մանկավարժական խորհրդի քննարկ-մանն է ներկայացնում վարքի կանոնները կոպտորեն խախտած սովորողի հարցը,

զ) արգելում է սովորողների, ուսուցիչների և ծնողների այն ձեռնարկումները, որոնք կարող են սովորողի առողջության, կյանքի համար վտանգ պարունակել կամ խաթարել ուսումնադաստիարակչական աշխատանքների կենսագործումը:

Դաստիարակի պարտականությունների մեջ մտնում են հետևյալ դրույթները.

Սովորողների առողջության, կենսունակության պահպանումը

ա) պատասխանատվությունը դասարանի աշակերտների առողջության և կյանքի համար,

բ) ուսումնադաստիարակչական աշխատանքների կազմա-կերպման ժամանակ սովորողների անվտանգության ապահովումը,

գ) մանկական կոլեկտիվում սանիտարահիգիենիկ պահանջների պահպանման վերաբերյալ աշխատանքի կազմակերպումը,

դ) երեխաների առողջության պահպանման համար անվը-տանգության կանոններին հետևելը,

ե) երեխաների առողջական վիճակի ուսումնասիրությունը,

զ) դպրոցական և ազատ ժամերի ռեժիմի պահպանման նը-պատակով ուսուցողական աշխատանքի կազմակերպումը դասարանի աշակերտների հետ:

է) երեխաների ուսումնական ծանրաբեռնվածության ու-սումնասիրությունն ու կարգավորումը,

ը) այցելություն հաճախակի հիվանդացող և դասերից բացակայող երեխաներին և ուսումնական հարցերով օգնու-թյան կազմակերպումը:

Սովորողների ուսումնական գործընթացի կազմակերպումը

ա) աշակերտների հաճախումների և արտադասարանա-կանխմբակներին մասնակցության հսկողությունը,

բ) վերահսկողությունը դասարանի աշակերտների առաջա-դիմության ուղղությամբ,

գ) օրագրերի ստուգումը,

դ) համագործակցությունը դասավանդող ուսուցիչների հետ,
ե) դասարանի աշակերտների ձեռքբերումների, հաջողությունների և
բացթողումների ուսումնասիրությունը,

զ) երեխաների ուսումնական հետաքրքրությունների
պաշտպանությունը

Սովորողների արտադասարանական գործունեության կազմակերպումը

ա) սովորողների հետաքրքրությունների ու նախասիրությունների
ուսումնասիրությունն ու դրանց զարգացմանն անհրաժեշտ
պայմանների ապահովումը,

բ) հաշվի առնելով աշակերտների կարողություններն ու հը-
նարավորությունները՝ արտադասարանական հետաքրքր-քիր
աշխատանքների կազմակերպումը,

գ) աշխատանքի կազմավերպումը առավել «դժվար» երե-խաների հետ

դ) աշխատանքը դասարանի ակտիվի հետ,

ե) աշակերտների մոտ արատավոր երևույթների կանխար-գելման
նպատակով բազմաբնույթ աշխատանքների կազ-մակերպումը,

զ) երեխաների նախաձեռնությունների և ինքնազարդար-ման
ձգտումների նկատմամբ ուշադրությունն ու օգնու-թյունը:

Համագործակցությունն աշակերտների ընտանիքների հետ

ա) աշակերտների անձնական գործերի և նրանց առողջա-կան վիճակի
ուսումնասիրությունը,

բ) ծնողական կոմիտեի ստեղծումն ու նրանց հետ համա-
գործակցությունը,

զ) ծնողական ժողովների կանոնավոր անցկացումը, դ) երեխաների կենսակերպի, նրանց ընտանիքների սոցիալ-լակնայայմանների ուսումնասիրությունը,

ե) սոցիալապես անապահով ընտանիքների հաշվառումը,

զ) խնդիրներ ունեցող ընտանիքների հայտնաբերումը, իրա-վապահ մարմինների և հասարակության ուշադրության հրավիրումը նման ընտանիքների խնդիրների լուծման վրա,

է) դասարանի աշխատանքներին ծնողների ներգրավումը և նրանց հետ միասին միջոցառումների կազմակերպումը,

ը) ծնող-երեխա-ուսուցիչ փոխհարաբերության և կապերի ամրապնդումը:

Համագործակցությունը հոգեբանի հետ

ա) սովորողների անհատական առանձնահատկությունների ուսումնասիրությունը, փոփոխությունների գրանցումը օրագրում,

բ) նոր աշակերտների դասարանական կոլեկտիվին ընտելացնելը,

գ) երեխաների ստեղծագործական ընդունակությունների, ինտելեկտուալ զարգացվածության, ուսումնական կարողությունների հմտությունների ձևավորման աստիճանի ուսումնասիրությունը, և հմտությունների ձևավորման աստիճանի ուսումնասիրությունը

դ) աշակերտների դաստիարակվածության մակարդակի ուսումնասիրությունը և դաստիարակչական աշխատանքների ճշգրիտ կազմակերպումը,

ե) մանկական կոլեկտիվում տիրող մթնոլորտի և աշակերտների միջանձնային հարաբերությունների ուսումնասիրությունը,

զ)աշակերտների առաջնորդական հատկանիշների ուսումնասիրությունը,

է)աշակերտների շրջապատի ուսումնասիրությունը,

ը)դասարանի սոցիալական անձնագրի ստեղծումը, թ)դասարանի բնութագրի հիման վրա աշակերտների հետ աշխատանքների կազմակերպման ձևերի ու մեթոդների ընտրությունը,

ժ)ծնողների համար հոգեբանական խորհրդատվության կազմակերպումը,

ի)դասարանում հոգեբանական դասերի կազմակերպումն ու անցկացումը:

Համագործակցությունը սոցիալական մանկավարժ-ների հետ .

ա)համատեղ այցելությունները խնդիրներ ունեցող ընտանիքներին,

բ)երեխաների իրավունքների պաշտպանության համար անհրաժեշտ նյութերի պատրաստումը,

գ)երեխաների իրավունքների ոտնահարումների կանխար-գելմանն ու վատ սովորությունների վերացմանն ուղղված միջոցառումներին սոցիալական մանկավարժի ներգրավու-մը:

Դասղեկի աշխատանքում առաջարկվող ուղղություններ

Աշակերտների առողջության պահպանում

Առաջին և

ամենազլխավոր ուղղությունը կատարվում է ա-շակերտի ֆիզիկական և մտավոր առողջության պահպա-նումը: Դպրոցի և դասղեկների վրա է դրված աշակերտների ֆիզիկական զարգացման համար նորմալ պայմաններ ստեղծելու մասին հոգ տանելը:Դասղեկը լուրջ դեր կարող

է խաղալ դպրոցականներին անձնական և հասարակական հիգիենայի հմտություններ պահպանելու գործում, նրանց սանիտարահիգիենիկ իրազեկության վարժեցնելու գործում: Իհարկէ, այդ հարցը վճռվում է ամենից առաջ ընտանիքում՝ ծնողների, ընտանիքի ավագ անդամների հսկողութեամբ, բայց դասուղեկը պարզաբանում է անձնական ու հասարակական հիգիենայի կանոնների պահպանման անհրաժեշտությունը, այդ հարցերի վերաբերյալ գործնական խորհուրդներ է տալիս: *Այս ուղղությամբ աշխատելիս անհրաժեշտ է.*

- համագործակցել դպրոցի բժշկի հետ՝ դասարանի աշակերտների ֆիզիկական ու առողջական վիճակը ուսումնասիրելու նպատակով, նրա հետ միասին աշակերտների համար անցկացնել զրույցներ, զարգացնել արտակարգ իրավիճակներում ճիշտ կոմնորոշվելու կարողություններ և հրատուրություններ,
- սովորեցնել՝ ինչ է առողջ ապրելակերպը,
- կազմակերպել երեխաների ֆիզիկական զարգացման և առողջության պահպանման ակտիվ միջոցառումներ՝ մըրցույթներ, էքսկուրսիաներ, արշավներ, օլիմպիական խաղեր, որոնք կարող են դառնալ ավանդական, աշակերտների առողջության պահպանման նպատակով կատարել դպրոցական և արտադասարանական միջոցառումների ժամանակ հատուկ դաստիարակչական աշխատանքներ, երեխաների մոտ ճիշտ վերաբերմունք ձևավորել ֆիզկուլտուրայի դասերի և ընդհանրապես սպորտային պարապմունքների նկատմամբ,
- աշակերտների մոտ սեփական առողջության մասին ճիշտ կարծիք ձևավորել,
- ուսումնասիրել դասարանի աշակերտների ֆիզիկական և հոգեկան առողջական վիճակը, աշակերտների զարգացման առանձնահատկությունները տարբեր տարիքային փուլերում, առողջական շեղումները, նրանց ազդեցությունը աշակերտի

ուսման վրա և նրա տկարության պատճառները, ապա դպրոցի տնօրինության հետ համատեղ կազմակերպել երեխաների առողջական վիճակի, ուսումնական և արտաուսումնական գործունեության բարելավման ծրագիր,

- ուսման գործընթացում ուսումնասիրել աշակերտների ծանրաբեռնվածությունը և նրա ազդեցությունը երեխայի առողջության վրա,
- անցկացնել քննարկումներ սանիտարահիգիենիկ պահանջների, դասարանական և տնային աշխատանքների չափաքանակի և տնային աշխատանքներին հատկացված ժամաքանակի վերաբերյալ, անձնական հիգիենայի վերաբերյալ, բացատրել ակոսի, նիկոտինի, թմրանյութերի և ՁԻԱՀ-ի հետևանքները մարդու օրգանիզմի վրա,
- անցկացնել կանխարգելիչ աշխատանքներ՝ ինչպես խուսափել դժբախտ պատահարներից,
- սերտորեն համագործակցել ֆիզկուլտուրայի ուսուցչի հետ, ներգրավել նրան ծնողների և երեխաների համար կազմակերպվող թեմատիկ խորհրդատվություններին՝ կապված երեխաների ֆիզիկական առողջության պահպանման խնդիրների հետ,
- համագործակցել ծնողների և մյուս ուսուցիչների հետ,
- համագործակցել արտադպրոցական հաստատությունների հետ՝ մանկական հիվանդությունների կանխարգելման նպատակով:

Աշակերտների հաղորդակցման և համագործակցության

կարողությունների և հմտությունների զարգացում

Համագործակցության արդյունավետ կազմակերպումը նը-պաստում է անձի զարգացմանն ու անհատականության ձևավորմանը, քանի որ այն ձևավորվում է մարդկանց հետ շփման արդյունքում, որի արդյունքում մենք ավելի լավ ենք հասկանում ինքներս մեզ: Այն

անհատները, որոնց ներանձ-նային և միջանձնային հմտությունները զարգացած չեն, թյուր փոխհարաբերություններ ունեն շրջապատի հետ և հակված են իրենց մասին կազմել ոչ ճիշտ ու թերի կարծիք: Արդյունավետ փոխհարաբերվել կարողանալու համար էա-կան են իրական ինքնագնահատականը, սեփական և ուրիշ-ների զգացմունքները հասկանալը, դիտարկումներ կատարելը, արդյունավետ հաղորդակցվել և համագործակցել կարողանալը: Դասղեկի աշխատանքում կարևոր տեղ է գրավում փոխհարաբերությունների ճիշտ կազմակերպումը ու-սուցչի ու աշակերտի, ուսուցչի ու ծնողի, աշակերտի ու ծը-նողի և, ընդհանրապես, աշակերտների միջև: Կազմակերպելով այս աշխատանքը՝ մանկավարժը պետք է զարգացնի երեխաների մոտ արդյունավետ համագործակցության և հաղորդակցման կարողություններ և հմտություններ: Կան-տը իր աշխատություններից մեկում ասել է. «Համագործակցության գլխավոր պահանջն է հաղորդակցման արդյուն-քում բացահայտել մարդու անհատականությունը»: Երե-խան պետք է հասկանա, որ անհատի համար առաջին հեր-թին կարևոր է պատվի և արժանապատվության արտահայտումն ու պահպանումը: *Այս ուղղությամբ աշխատելիս անհրաժեշտ է.*

- ✓ աշակերտների հետ միասին ուսումնասիրել մարդկային հարաբերությունների պատմական փորձը, նրանց դերն ու նշանակությունը ապագա սերունդների համար,
- ✓ ստեղծել դրական հաղորդակցման միջավայր՝ հնարավորություն տալով յուրաքանչյուր աշակերտին ազատ արտահայտելու իր զգացմունքները, ծնողներին ու երեխաներին ներկայացնել համագործակցության ակտիվ ձևերը, կազմակերպել հանդիպումներ, զրույցներ և բանավեճեր,

- ✓ ուսումնասիրել կոլեկտիվում յուրաքանչյուր աշակերտի դերը, նրա փոխհարաբերությունների հետ կապված խնդիրները և գտնել այդ խնդիրների լուծման ուղիները,
- ✓ ուսումնասիրել ընտանիքում երեխայի և ծնողների փոխհարաբերությունները, բացահայտել առկա խնդիրները և նպաստել դրանց վերացմանը,
- ✓ ուսումնասիրել աշակերտների հարմարվածությունը դպրոցին, դասարանին և, եթե գոյություն ունեն որոշակի խնդիրներ, այդ խնդրի շուրջ տանել աշխատանքներ,
- ✓ հետազոտել երեխայի դերը մանկական կոլեկտիվում, նրա հարաբերություններն իր համադասարանցիների ու հասակակիցների հետ,
- ✓ թրեյնինգների, հաղորդակցման ժամերի, խաղերի և բանավեճերի միջոցով օգնել աշակերտներին՝ ավելի սերտորեն համագործակցելու միմյանց հետ,
- ✓ ուսուցման կրտսեր և միջին փուլերում անցկացնել բարոյագիտական գործնական աշխատանքներ, բարձր դասարաններում կազմակերպել դասղեկական ժամեր՝ երեխաների մոտ հետագա ինքնահաստատման և համագործակցելու կարողություններ մշակելու նպատակով:

Աշակերտների արժեքային համակարգի ձևավորում

Մեծ նշանակություն ունի երեխայի բարոյական դաստիարակությունը:

Այս ուղղության գլխավոր նպատակն է՝

- ❖ բացատրել աշակերտներին մարդկության գոյության իմաստը, գնահատել իր և մյուսների գոյության կարևորությունն ու նշանակությունը, արժևորել պատմական անցյալի ու ապագայի դերը աշակերտների բարոյական հատկանիշների ձևավորման գործում:

- ❖ երեխաների մոտ ցանկություն առաջացնել իմանալու, հասկանալու և իրական իրավիճակներում կիրառելու ձեռք բերած բարոյական գիտելիքները,
- ❖ դաստիարակել ծանր իրավիճակներում պայքարելու և դիմակայելու կարողություն, օրինակներ բերի այն մարդկանց կյանքից, ովքեր կարողացել են գոյատևել նմանատիպ իրավիճակներում, աշակերտների մոտ իրենց անձի նկատմամբ հետաքրքրություն և ինքնակատարելագործման ցանկություն առաջացնել.
- ❖ զարգացնել աշակերտի կամային հատկանիշներն և սեփական ուժեղ ու թույլ կողմերի նկատմամբ քննադատական մտածողությունը,
- ❖ այդ ուղղությամբ համագործակցել ծնողների և մանկավարժների հետ՝ կիրառելով համագործակցության տարբեր ձևերը,
- ❖ դրական վերաբերմունք ձևավորել ընտանեկան սովորույթների, ազգային ավանդույթների նկատմամբ, դաստիարակին լսելու, ընկալելու ունակություն և հասկանալու ու հետևություններ անելու հմտություններ,
- ❖ ուսումնասիրել աշակերտների կյանքի առաջնային և բարոյական արժեքները, անցկացնել դասղեկական ժամեր՝ նվիրված բարոյական խնդիրներին տարիքային բոլոր փուլերում,
- ❖ աշակերտների կամային հատկանիշները զարգացնելու նպատակով անցկացնել ինքնազարգացման գործնականաշխատանքներ,
- ❖ աշակերտների հետ ուսումնասիրել իրենց երկրի, աշխարհի ժողովուրդների, իրենց ընտանիքների և դպրոցի ավանդույթները,
- ❖ բոլոր դաստիարակչական միջոցառումներն ուղղել մարդասիրական, պաշտպանված, անվտանգ, երկկողմանի

պատասխանատվության միջավայրի ստեղծմանը, որը հնարավորություն կտա յուրաքանչյուր երեխային՝ հասկանալու իր դերն ու կարևորությունը,

- ❖ դաստիարակչական աշխատանքի միջոցով երեխաների մեջ ձևավորել հիվանդներին և թույլերին անհրաժեշտ օգնություն ցուցաբերելու և բարեգործությամբ զբաղվելու ցանկություն:

Աշակերտների ինտելեկտուալ հմտությունների զարգացում

Դասղեկի աշխատանքի կարևոր ուղղություններից է նաև դասարանի աշակերտների ինտելեկտուալ հմտությունների զարգացումը:

Ի՞նչ է ինտելեկտը: Հայտնի հոգեբան Ս. Լ. Ռուբինշտեյնը ինտելեկտը դիտում էր իբրև մարդու վարքագիծ: Նա գտնում էր, որ մարդու ինտելեկտն է բնութագրում նրա վարքը: Ինտելեկտի հիմքը մարդու ճիշտ վարքագիծն է ըստ իրավիճակի: Ինտելեկտի զարգացումը պետք է հասկանալ բառի լայն իմաստով: «Այդ ուղղությամբ դասղեկի աշխատանքի նպատակն է՝ աշակերտների մեջ զարգացնել՝ նպատակամղված գործելակերպ, ճիշտ մտածելակերպ, շրջապատում իրեն ճիշտ դրը-սևորելու կարողություն: Կարևոր է որոշել նաև աշակերտի իրական ինտելեկտուալ հնարավորությունները և խթանել նրա մտավոր զարգացմանը:

Այս ուղղությամբ աշխատելիս անհրաժեշտ է.

- ✓ ուսումնասիրել դասարանի ուսումնական գործունեության առանձնահատկություններն ամբողջությամբ և յուրաքանչյուր աշակերտի կարողություններն առանձին-առանձին,
- ✓ մանկավարժների և աշակերտների համատեղ գիտելիքների ուսումնասիրության հիման վրա որոշել աշակերտների հետ աշխատանքի մեթոդներն ու եղանակները, անհատական աշխատանքի ձևերը՝ ինչպես դասի ընթացքում, այնպես էլ դասերից դուրս,

- ✓ ուսումնասիրել և ազդել աշակերտների մտահորիզոնի ընդլայնման, նրանց ճանաչողական հետաքրքրությունների և զբաղմունքների վրա, իր ուսումնասիրությունների արդյունքները օգտագործել դպրոցական և արտադպրոցական աշխատանքները կազմակերպելիս
- ✓ տվյալ ուղղությամբ խորհրդատվական աշխատանքներ կազմակերպել և անհրաժեշտ տեղեկատվություն սրամադրել երեխաների ընտանիքներին, արտադասարանական միջոցառումների օգնությամբ նպաստել աշակերտների մտավոր զարգացմանը: Այստեղ գլխավոր գործառույթներից մեկը «Դասարանի ին-տելեկտուալ անձնագրի» ստեղծումն ու նրա մշտական կատարելագործումն է, որտեղ պետք է նշել.
 - ա) աշակերտների ընդհանուր ուսումնական հետաքրքրությունները,
 - բ) աշակերտների վերաբերմունքն ուսումնական գործընթացի և առանձին առարկաների նկատմամբ
 - գ) աշակերտների ընդհանուր ուսումնական հմտությունների ու կարողությունների զարգացման աստիճանը,
 - դ) աշակերտների ինտելեկտուալ զարգացման աստիճանը
 - ե) ուսման գործընթացում աշակերտների ընկալունակու-թյան աստիճանը,
 - զ) աշակերտների աշխատունակության և կազմակերպվածության աստիճանը
 - է) մշտապես ուսումնասիրել աշակերտների՝ ուսման գործընթացից ետ մնալու պատճառները: Դրա համար անհրաժեշտ է կարևորել հետևյալ չափանիշ-ները,
 - ❖ երեխաների առողջական վիճակը, • գիտելիքները թերի յուրացնելու պատճառները,

- ❖ ուսման ընթացքում ուսուցչի և աշակերտի համագործակցության առանձնահատկությունները,
- ❖ աշակերտի կամային հատկանիշների ձևավորումն ու զարգացումը, դրանց ազդեցությունը ուսումնական գործընթացի վրա,
- ❖ երեխայի մտածելակերպի առանձնահատկությունները,
- ❖ թույլ աշակերտների՝ ետ մնալու պատճառների ուսումնասիրության հիման վրա դասավանդող ուսուցիչների հետ ստեղծել խմբեր՝ երեխաների առաջընթացն ապահովելու նպատակով,
- ❖ աշակերտների հետ անհատական գրույցների և ուսուցիչների խորհրդակցությունների ժամանակ քննարկել աշխատանքի արդյունքները,
- ❖ դասերին հաճախել այն ծրագրով, որն անմիջականորեն կապված է տվյալ դասարանի դաստիարակչական աշխատանքների պլանի հետ,
- ❖ երեխաների ինտելեկտուալ և ճանաչողական հետաքրքրությունների զարգացման համար կազմակերպել զան-զան մրցույթ-վիկտորինաներ, ինտելեկտուալ խաղեր, խաղ ճանապարհորդություն, ընթերցանության երեկոներ, գիտական գաղափարների պաշտպանություն և այլն,
- ❖ դաստիարակչական աշխատանքում օգտագործել երկխոսական և տրամաբանական ուսուցման ձևը, երեխաներին սովորեցնել անկաշկանդ և ճիշտ արտահայտել մտքերը, ապացուցել և հիմնավորել դրանք,
- ❖ այս ծրագիրն իրագործելու համար համագործակցել դասավանդող ուսուցիչների հետ և ստեղծել համապատասխան իրավիճակներ՝ աշակերտների ինտելեկտուալ հմտությունները ցուցադրելու համար

(դպրոցական օլիմպիադաներ, խմբակներ, վիկտորինաներ),

- ❖ աշակերտների ընդունակություններն հաշվի առնելով՝ օգնել նրանց՝ ճիշտ կողմնորոշվելու ապագա մասնագիտության ընտրության հարցում: Այս ուղղությունը դաստեղծելու իրականացում է մի քանի տարիների ընթացքում: Տարբեր տարիքային փուլերում նա իր աշակերտների հետ զանազան խնդիրներ է լուծում, որոնց հիմնական նպատակն է զարգացնել աշակերտների ռեֆլեքսային հմտությունները: Այդ հմտությունները կօգնեն աշակերտին զարգացնել ինքնագնահատման, ինքնաքննա-դատության և ինքնակատարելագործման հնարավորությունները: Աշակերտի ռեֆլեքսային հմտությունների բացահայտումն սկսվում է դրանց ուսումնասիրությամբ, որը մեծ բարդություն չի ներկայացնում և միաժամանակ ուսուցչին հնարավորություն է տալիս որոշելու երեխաների մտավոր հնարավորությունները: Այդ տեսության խնդիրն է որոշել երեխայի ինքնակրթության և ինքնադաստիարակման հնարավորությունները: Աշակերտի ռեֆլեքսային հմտությունների բացահայտումն սկսվում է դրանց ուսումնասիրությամբ, որը մեծ բարդություն չի ներկայացնում և միաժամանակ ուսուցչին հնարավորություն է տալիս որոշելու երեխաների մտավոր հնարավորությունները: Այդ տեսության խնդիրն է որոշել երեխայի ինքնակրթության և ինքնադաստիարակման հնարավորությունները: Դաստեղծի աշխատանքն այդ ուղղությամբ սկսվում է առաջին հերթին աշակերտի՝ ուսուցման և ուսումնական առարկաների նկատմամբ վերաբերմունքի

ուսումնասիրությունից: Դա հնարավորություն է տալիս բացահայտելու աշակերտների ուսումնական հետաքրքրությունները, ճշտելու այդ դասարանում մանկավարժների գործունեության որակը:

Արտադասարանական աշխատանքների կազմակերպում

Երեխայի դաստիարակության համար մեծ նշանակություն ունեն նաև արտադասարանական աշխատանքները: Շատ երեխաների համար դա դպրոց գալու ևս մեկ առիթ է, և հնարավորություն է տալիս վատ սովորող աշակերտին վերագտնել ինքն իրեն: Մանկավարժը չպետք է բաց թողնի այդ հնարավորությունը. չէ որ դասերից հետո դասարանի կյանքին մասնակցելը հնարավորություն է տալիս երեխա-յին բացահայտել ինքն իրեն, իր վրայից հանել «անպիտա-նության» պիտակը և իր ուրույն տեղը գտնել հասակակից-ների կողքին: Այս ուղղությամբ դասղեկի աշխատանքում մի շատ կարևոր պահ կա. նա պետք է ազատ ընտրության ի-րավիճակներ ստեղծի, երբ երեխաներն իրենք են ընտրում արտադասարանական աշխատանքի ձևերը, որոնք կուզեին իրականացնել: Ինքնուրույնությունն ու նախաձեռնելու ունակությունը, պատասխանատվության զգացումն ու ան-կեղծությունը, ուրիշների հետ համագործակցելու կարո-ղությունը. սրանք այն հատկանիշներն են, որոնք դասղեկը պետք է զարգացնի իր սաների մեջ:

Այս ուղղությամբ աշխատելիս անհրաժեշտ է,

- ❖ ուսումնասիրել աշակերտների անհատական հետաքրքրություններն ու պահանջները արտադասարանական գործունեության ընթացքում,
- ❖ արտադասարանական աշխատանքի առավել ակտիվ ձևեր կիրառել՝ հաշվի առնելով աշակերտների տարիքային առանձնահատկությունները,
- ❖ օգնել երեխաներին խմբակների, ակումբների, սեկցիաների ընտրության հարցում,

- ❖ ծնողներին, մանկավարժներին և հասակակիցներին մըշտապես ցուցադրել արտադասարանական գործունեության հաջողություններն ու արդյունքները,
- ❖ սովորեցնել անաչառորեն գնահատել սեփական ձեռքբերումները և արդարացի լինել ուրիշների հաջողությունների նկատմամբ,
- ❖ դասարանական և համադպրոցական միջոցառումների ծրագիրը կազմելիս՝ հաշվի առնել երեխաների՝ հետաքրքրություններն ու ցանկությունները,
- ❖ աշակերտներին հնարավորություն տալ՝ ինքնուրույն պլանավորել՝ դասարանի արտադպրոցական գործունեությունը և պատասխանատու լինել դրա կատարման համար,
- ❖ արտադասարանական խմբերի աշխատանքի արդյունավետությունը գնահատելիս՝ հաշվի առնել աշակերտների կարծիքը
- ❖ ներկայացնել ծնողներին իրենց երեխաների դպրոցական և արտադպրոցական գործունեությունը, ցուցադրել ծնողներին երեխաների հաջողություններն ու ձեռքբերումները,
- ❖ աշակերտների հաջողությունները ներկայացնել արտադասարանական միջոցառումների ժամանակ:

Ընտանիք-դպրոց համագործակցության կազմակերպում

Այս ուղղությամբ դասղեկը կարող է աշխատանքը հաջողությամբ իրականացնել, եթե դպրոցը համագործակցի ընտանիքի հետ: Շատ հաճախ երեխայի դաստիարակության գործընթացն իրականացվում է այդ համագործակցություն-նից դուրս, որը, ցավոք, տխուր հետևանքներ է ունենում: Արդեն ապացուցված է, որ դաստիարակությունը հաջողություն է ունենում, եթե ընտանիքի հետ տարվող աշխատանքն ու երեխայի դաստիարակությունը կատարվում են միաժամանակ: Դրա համար դասղեկը պետք է ծնողների հետ նախապատրաստական

գործունեություն ծավալի, քանի որ այսօրվա պայմաններում առանց ընտանիքի հետ հիմնա-կան աշխատանքի, հնարավոր չէ արդյունավետ աշխատել դասարանի հետ: Չ՞է որ աշակերտների ընտանիքները նույնանման չեն, տարբեր են նրանց սոցիալական պայմանները, երեխաների նկատմամբ վերաբերմունքն ու բարոյա-կան նորմերը: Իսկ այդ ամենն ազդում են երեխայի առողջության, հոգեվիճակի, ուսման և իքնուրույնության վրա: *Այս ուղղությամբ աշխատելիս անհրաժեշտ է.*

- ❖ ծանոթանալ իր աշակերտների ընտանիքների հետ,
- ❖ ծնողական ժողովների, թեմատիկ և անհատական խորհրդատվության միջոցով ծնողների համար կազմակերպել հոգեբանամանկավարժական զրույցներ, սեմինարներ:
- ❖ կազմակերպել հանդիպումներ այն մարդկանց հետ, ովքեր դրական ազդեցություն ունեն երեխայի վրա,
- ❖ անցկացնել միջոցառումներ ծնողների և երեխաների համատեղ մասնակցությամբ,
- ❖ ցուցադրել և ոգևորել՝ դասարանի և դպրոցի կյանքին ակտիվորեն մասնակցող ծնողների անհատական նախաձեռնությունները,
- ❖ դպրոցի հոգեբան-մանկավարժների հետ սովորեցնել ծնողներին հաղթահարել և կանխարգելել ընտանեկան կոնֆլիկտները, հարթել երեխաների և ծնողների միջև եղած տարաձայնությունները,
- ❖ ստեղծել ծնողների մասնագիտական բանկ և այդ տվյալներն օգտագործել <<ծնողական համալսարանի>> դասընթացները կազմակերպելիս,
- ❖ ծանոթանալ աշակերտների ընտանիքների հետ, ուսումնա-սիրել երեխաների դրությունը՝ ընտանիքում և նրանց կյանքի պայմանները,
- ❖ հաճախակի անցկացնել ծնողական ժողովներ, որոնց թեմաների ընտրության ժամանակ անհրաժեշտ է հաշվի առնել

- երեխաների տարիքային և անհատական առանձնահատկությունները, դասարանի և դպրոցի խնդիրները,
- ❖ ըստ անհրաժեշտության՝ ծնողների համար անցկացնել անհատական և խմբային խորհրդատվություններ,
 - ❖ դասարանի ծնողներին ներգրավել բոլոր տեսակի դասարանական աշխատանքների մեջ,
 - ❖ կազմակերպել երեխաների և ծնողների համատեղ ստեղծագործական գործունեություն,
 - ❖ խրախուսել դպրոցի և դասարանի կյանքում ակտիվ մասնակցություն ցուցաբերած ծնողներին: Ծնողների և ուսուցիչների իսկական համագործակցությանը միշտ էլ հետևում են դրական արդյունքներ՝
 - ❖ ձևավորվում է փոխադարձ վստահություն,
 - ❖ ծնողները կուսուցիչներն աշխատում են որպես մեկ խումբ, որպեսզի յուրաքանչյուր երեխայի համար ստեղծեն եզակի և հետաքրքիր ուսուցման փորձառություն,
 - ❖ երեխաները շահում են մեծահասակների համագործակցող խմբի առկայությունից:

Քաղաքացիական դաստիարակության իրականացում

Այս ուղղությամբ դասղեկի աշխատանքի նպատակն է ի-րականացնել քաղաքացիական դաստիարակություն, զի-նել երեխաներին իրավունքի, իրավական նորմերի, անհա-տի և պետության հարաբերությունների վերաբերյալ համա-պատասխան գիտելիքներով, զարգացնել պետական մտա-ծողություն: *Այս ուղղությամբ աշխատելիս անհրաժեշտ է.*

- զարգացնել քաղաքացիական արժեքներ և բարոյական դիրքորոշումներ,
- հասարակության մեջ և իրավական հարաբերություններում ձևավորել իրավական կուլտուրա, օգնել այդ

հարաբերություններում երեխայի ինքնահաստատմանը, երեխաների մոտ ձևավորել՝ մարդասիրական աշխարհայացք, ինչ-պես նաև սեփական իրավունքների գիտակցում, երեխաներին ծանոթացնել իրավական խնդիրներին ու կարևոր հարցերին,

- առանձնահատուկ վերաբերմունք ձևավորել պետության, պետական խորհրդանիշերի նկատմամբ,
- զարգացնել քաղաքացու այնպիսի որակներ, ինչպիսիք են՝ կամավորությունը, համագործակցությունը, մասնակցությունը, հանդուրժողականությունը, քննադատական մտա-ծողությունը, իքնուրույն որոշումներ կայացնելու կարողությունը, բանավիճելու հմտությունը,
- սովորեցնել ուսումնասիրել, բացահայտել և լուծել համայնքային հիմնախնդիրներ,
- ուսուցանել համայնքային ծառայությունների մատուցում,
- երեխաներին սովորեցնել պետական իրավական նորմերն ու օրենքները, ձևավորել պատասխանատվություն այդ օրենքների ու նորմերի նկատմամբ,
- երեխաների իրավական գիտելիքների, հմտությունների և կարողությունների ձևավորման նպատակով կազմակերպել արտադասարանական միջոցառումներ,
- աշակերտներին իրավական գիտելիքներով զինելու նպատակով համագործակցել իրավական մարմինների հետ, երեխաների մոտ ձևավորել բարոյաիրավական հատկանիշներ (խիղճ, պատասխանատվություն, արդարություն, պատիվ, արժանապատվություն և այլն),
- անցկացնել թեմատիկ դասղեկական ժամեր,
- կազմակերպել հանդիպումներ իրավական և իրավապահ մարմինների ներկայացուցիչների հետ,
- այցելել գորամասեր,

- կազմակերպել մրցույթներ և վիկտորինաներ իրավական թեմաներով:

Դասղեկական ժամերի կազմակերպումն ու անցկացումը

Դասղեկի ժամերի ձևերը

Արտադասարանական դաստիարակության կարևոր ձևերից մեկը դասղեկի ժամն է: Աշակերտներն ու դասղեկը միասին են որոշում, թե ինչ հարցեր պետք է քննարկեն դաս-ղեկի ժամի ընթացքում: Դասղեկի ժամը աշակերտների և դասղեկի անմիջական շփման եղանակներից մեկն է: Դասղեկի ժամերը կարելի է անցկացնել տարբեր ձևերով, օրինակ՝ դասարանական հավաքույթներ, թեմատիկ զրույցներ, քանավեճեր, էքսկուրսիաներ, աշակերտների ինքնահաշվետվություններ, դաստիարակչական ժամեր և այլն: Նմանատիպ միջոցառումները պլանավորվում են դասղեկի և աշակերտների համատեղ ջանքերով:

Դասղեկը, անցկացնելով դաստիարակչական ժամ կամ դասարանական ժողով, տարբեր խնդիրներ է արձարձում, որոշում տվյալ ժամի բովանդակությունը, անցկացման ձևն ու եղանակները: Ասպիտով, դասղեկի ժամը՝ դաստիարակչական աշխատանքի մի ձև է, որը նպաստում է երեխաների աշխարհընկալման զարգացմանը՝ դաստիարակության գործընթացին մասնակից դարձնելով նաև հենց իրենց՝ աշակերտներին: Նմանատիպ միջոցառումները պլանավորվում են դասղեկի և աշակերտների համատեղ ջանքերով: Դասղեկական ժամը կատարում է հետևյալ գործառույթները.

- ✓ Տեղեկատվական
- ✓ կողմնորոշիչ

- ✓ ուղղորդող
- ✓ ձևավորող

Տեղեկատվական գործառույթի էությունն այն է, որ դասղեկի ժամը հնարավորություն է տալիս ընդայնելու այն աշակերտների գիտելիքների պաշարը, ովքեր ուսումնական ծրագրերում չեն գտել իրենց հետաքրքրող հարցերի պա-տասխանները: Դրանք կարող են լինել տեղեկություններ ի-րենց հայրենի երկրում, քաղաքում կամ արտերկրում կա-տարվող իրադարձությունների մասին: Դասղեկի ժամին քննարկման առարկա կարող է լինել ցանկացած երևույթ կամ իրադարձություն:

Կողմնորոշիչ գործառույթը նպաստում է երեխաների մոտ շրջապատող իրականության և հոգևոր արժեքների նկատ-մամբ որոշակի վերաբերմունքի ձևավորմանը, օգնում ճիշտ գնահատել երևույթները:

Լուսավորչական և **կողմնորոշիչ** գործառույթները անքակ-տելիորեն կապված են միմյանց, քանի որ հնարավոր չէ սո-վորեցնել երեխաներին գնահատել երևույթները, որոնք նը-րանց անձանոթ են: Սակայն երբեմն դասղեկական ժամը՝ հստակ կողմնորոշիչ գործառույթ է իրականացնում, երբ քն-նարկվում են շատ հայտնի իրադարձություններ:

Ուղղորդող գործառույթը կոչված է այս կամ այն երևույթի քննարկումը կատարելու աշակերտների՝ գործնական փոր-ձի հիման վրա: Ձևավորող գործառույթն իրականացնում է բոլոր վերոհիշյալ գործառույթները միասին: Այն աշակերտ-ների մոտ զարգացնում է տրամաբանելու ունակությունները, ինքնագնահատման կարողությունները, օգնում է մտքե-րը ճիշտ ձևակերպելուն և արտահայտելուն, ինչպես նաև սովորեցնում պաշտպանել սեփական տեսակետը: Դասղեկի ժամը կարող է տարբեր ձևեր ունենալ՝ կախված կոլեկտիվի զարգացվածության աստիճանից և աշակերտ-ների տարիքային

առանձնահատկություններից: Կարելի է առանձնացնել դասղեկի ժամի հետևյալ ձևերը.

- ✓ զրուցներ (գեղագիտական, բարոյագիտական
- ✓ բանավեճեր
- ✓ հանդիպումներ հետաքրքիր մարդկանց հետ
- ✓ վիկտորինաներ
- ✓ քննարկումներ տարբեր թեմաներով
- ✓ ինտերակտիվ խաղեր
- ✓ թատերական ներկայացումներ
- ✓ կինոդիտումներ

Դասղեկի ժամերի կազմակերպման և անցկացման մեթոդիկան

Դասղեկի ժամի բովանդակությունն ու անցկացման մեթոդ-ները սերտորեն կապված են միմյանց հետ: Բովանդակությունն ու դասղեկի ժամի անցկացման մեթոդ-իկան կախված են աշակերտների տարիքից, ինչպես նաև դասղեկի՝ իր առջև դրած խնդիրներից ու նպատակներից: Դասղեկի ժամի թեմաների և բովանդակության ընտրության ընթացքում դասղեկը պետք է հաշվի առնի աշակերտների տարիքային առանձնահատկությունները, նրանց բարոյական պատկերացումները, հետաքրքրությունները և այլն: Դա կարելի է կատարել, օրինակ, զրույցի կամ հարցաթերթիկի միջոցով: Դասղեկի ժամի կազմակերպման ընթացքում անհրաժեշտ է.

- ✓ ընտրել թեման և առանձնացնել նպատակը
- ✓ ընտրել թեմային համապատասխան նյութ,
- ✓ կազմել դասղեկական ժամի անցկացման պլան
- ✓ աշակերտներին տալ համապատասխան հանձնարարություններ,

- ✓ ապահովել մանկավարժների և ծնողների մասնակցությունը տվյալ դասղեկի ժամին: Այսպիսով, դասղեկի ժամը կարելի է անցկացնել տարբեր ձևերով, և դասղեկի խնդիրն է այդ ձևերն իրենց բովանդակությամբ և անցկացման մերոդիկայով դարձնել ավելի բազմազան դրան զուգահեռ հասնելով դաստիարակչական որոշակի և կարևոր խնդիրների լուծմանը: «Դաստիարակության մեթոդները ունեն անձնավորության մեջ դրական փոփոխությունների իրականացման ուղղվածություն, սակայն դրանց կիրառումը անմիջականորեն չէ, որ փոփոխություններ է կատարում, այլ դաստիարակվողների մեջ առաջացնում մտքեր, զգացմունքներ, պահանջմունքներ, որոնք էլ նրանց որոշակի վարքի և արարքների են մղում»

Դասղեկի ժամերի նշանակությունը

Դասղեկի ժամը երեխաների կյանում մեծ դեր է խաղում, ե-թե այն հետաքրքիր և յուրօրինակ է կառուցված: Լավ կազմակերպված ու մտածված դասղեկական ժամը ունի մի շարք առավելություններ. Դասղեկի ժամի շրջանակներում հնարավոր է լինում միա-ժամանակ շփվել դասարանում բոլոր աշակերտների հետ, լսել նրանց յուրաքանչյուրի կարծիքը: Դասղեկի ժամի ընթացքում դասղեկը՝ որոշակի պայման-ներ է ստեղծում, որոնց միջոցով կարողանում է կանխորոշել դաստիարակչական աշխատանքի արդյունավետություն-ը: Դասղեկի ժամը, որի ընթացքում տարբեր խնդիրներ են լուծվում, հնարավորություն է տալիս տեսնել երեխաներին հաղորդակցման բնական մթնոլորտում և շատ լուրջ բարո-յական խնդիրներ լուծել: Դասղեկի ժամերը կարևոր են նաև նրանով, որ անց են կաց-վում ամեն շաբաթ: Դասղեկի ժամը պետք է անցկացվի անմիջական շփման ձևով. դասղեկը պետք է հնարավորություն տա աշակերտներին՝ անկաշկանդ արտահայտելու

իրենց կարծիքը, քննադատությունը: Դասղեկի ժամերին երեխաների ազատ ու անկաշկանդ հա-ղորդակցումը նպաստում է այն բանին, որ նրանց մոտ մե-ծանում է դպրոցական կյանքին մասնակցելու ցանկություն-ը, մղում է ինքնակատարելագործման ու ինքնազարգաց-ման: Որպեսզի դասղեկական ժամերը հետաքրքրեն բոլոր աշակերտներին, և նրանք ցանկություն հայտնեն մասնակ-ցելու դրանց նախապատրաստման աշխատանքներին, կա-րելի է երեխաներին հայտնել բոլոր դասղեկական ժամերի թեմա-ները և նրանցից յուրաքանչյուրին հնարավորություն տալ մասնակցելու այն ժամերի նախապատրաստմանն ու անցկացմանը, որոնք հետաքրքրում են նրանց: Աշակերտների խումբը, դասղեկական ժամին պատրաստ-վելիս, եղած նյու-թերը վերլուծում է դասղեկի հետ, մշակում համապատաս-խան պլան: Դասղեկի ժամի հաջողությունը կախված է դասղեկի բազմակողմանի զարգացված լինելուց, աշակերտների նկատմամբ ունեցած նրա հոգատարություն-նից ու մեծ սիրուց:

Խորհուրդներ դասղեկի ժամերի կազմակերպման վերաբե-րյալ

- ✓ Մի՛ վիրավորեք ու նվաստացրեք երեխաներին, ձեր դժգոհությունն ավելի լավ է արտահայտեք ձեր բարի ու հարգալից զրույցների միջոցով:
- ✓ Շատ ժամանակ անցկացրեք դասարանի հետ:
- ✓ Դասալսումների գնացեք տարբեր առարկաներից:
- ✓ Էքսկուրսիաներ ու հետաքրքիր միջոցառումներ կազմակերպեք:
- ✓ Մտերմիկ զրույցներ ունեցեք երեխաների հետ:
- ✓ Ճշտեք ուժերի բաշխվածությունը դասարանում, ովքե՞ր են դասարանում առաջնորդները, ի՞նչ խմբավորումներ կան
- ✓ Ճիշտ գնահատեք յուրաքանչյուրի ուժեղ կողմերը և արդյունավետ կառավարեք դրանք:

- ✓ Երեխաներին սովորեցրե՛ք ինքնուրույն լինել:
- ✓ Անաչառ ու արդարամիտ եղե՛ք ամենքի և ամեն ինչի նկատմամբ:

Եթե մանկավարժությունը ցանկանում է մարդուն դաս-տիարակել բոլոր տեսակետներից, ապա նա պետք է նախ նրան ճանաչի բոլոր տեսակետներից:

Կ.Ղ. Ուշինսկի

Եզրակացություն

Դասղեկի ժամերի բովանդակությունն անհրաժեշտ է կա-ռուցել այնպես, որ հնարավոր լինի աստիճանաբար երե-վույթների նկարագրությունից անցնել դրանց՝ գնահատ-մանը, անհատական մեկնաբանություններին: Առաջադր-ված խնդիրների քննարկման ընթացքում դասղեկը պետք է շատ ուշադիր լինի աշակերտների կարծիքների նկատ-մամբ, ուղղումներ՝ կատարի լրացուցիչ հարցեր առաջադրի, երեխաների ուշադրությունը կենտրոնացնի կարևոր պահե-րի վրա, օգնի երեխաներին՝ գտնելու խնդիրների ճիշտ լու-ծումներ: Պետք է հաշվի առնել աշակերտների՝ նյութի ըն-կալման հոգեբանական առանձնահատկությունները, նը-րանց ուշադրությունը պահել կենտրոնացած, իսկ հետա-քրքրության անկման դեպքում օգտագործել առավել հե-տաքրքիր բովանդակությամբ նյութեր կամ սուր հարցադ-րումներ անել, երաժշտական դադար տալ, փոխել գործու-նեության ձևը և այլն:

Օգտագործված գրականություն

Մուրադյան ՌուզաննաՄ 992 Դասդեկ: Նոր մոտեցումներ

դաստիարակչական աշխատանքներում: - Եր. Գիտություն, 2007, 192 էջ